



Broj: 03-24-434/19
Vogošća, 28.05.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), Rješenja Ureda za razmatranje žalbi BiH-Filijala Mostar broj: JN2-03-07-1-929-8/19 od 23.05.2019. godine i čl. 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst 14/15), Općinski načelnik dana 28.05.2019. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU SJEMENSKOG MATERIJALA ZA
PROLJETNU SJETVU**

Član 1.

Ponuda ponuđača "PRIMAPROM" d.o.o. Banja Luka, ulica Vidovdanska bb Banja Luka, odabrana je za nabavku sjemenskog materijala za proljetnu sjetvu, kao jedina formalno-pravno prihvatljiva ponuda, sa ukupnom cijenom nabavke u iznosu 14.750,00 KM bez uračunatog PDV-a, odnosno 17.257,70 KM sa uračunatim PDV-om.

Član 2.

Ovom Odlukom stavlja se van snage Odluka o izboru najpovoljnijeg ponuđača za nabavku sjemenskog materijala za proljetnu sjetvu broj: 03-24-434/19 od 05.04.2019. godine.

Član 3.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 15.03.2019. godine donio Odluku o pokretanju postupka Konkurentskog zahtjeva za dostavu ponuda za nabavku sjemenskog materijala za proljetnu sjetvu, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 19.03.2019. godine pod brojem: 1353-7-1-56-3-44/19.

Tendersku dokumentaciju sa Portala javnih nabavki BiH je preuzelo 18 (osamnaest) ponuđača. Krajnji rok za dostavu ponuda bio je 01.04.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 01.04.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-24-434/19 iz marta 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Primaprom" d.o.o Banja Luka	14.750,00	/	/	17.257,70
2	"Tabakovići" d.o.o. Sarajevo	14.974,39	/	/	17.520,03

Nakon provedenog postupka evaluacije ponuda, a uz uvažavanje preporuke Komisije za javne nabavke, Općinski načelnik je dana 05.04.2019. godine donio Odluku o izboru najpovoljnijeg ponuđača broj: 03-24-434/19, kojom je kao formalno-pravno ispravna i najpovoljnija ponuda u postupku Konkurentskog zahtjeva za nabavku sjemenskog materijala za proljetnu sjetvu ocijenjena ponuda ponuđača "Tabakovići" d.o.o. Sarajevo.

Na predmetnu Odluku izjavljena je žalba od strane ponuđača "Primaprom" d.o.o. Banja Luka, zastupan po punomoćniku Bogdanu Goluboviću, advokatu iz Banja Luke dana 12.04.2019. godine. Žalitelj je u svojoj žalbi naveo sljedeće nepravilnosti u ponudi ponuđača „Tabakovići“ d.o.o Sarajevo i to: da je ponuda izabranog ponuđača suprotna zakonskim propisima, da ista nije uvezana na način koji bi onemogućavao naknadno vađenje ili umetanje listova, te samim tim ista se ne može smatrati tehnički zadovoljavajućom ponudom, kako je to utvrdio Ugovorni organ. Članom 58. stav 2. ZJN je propisano da ponuda mora biti čvrsto uvezana i sve strane ponude numerisane. Isto je propisano i Uputstvom za pripremu modela TD i ponuda, članom 8. stav 2. gdje je utvrđeno da se ponuda čvrsto uvezuje na način da se onemogućava naknadno vađenje ili umetanje listova.

Ured za razmatranje žalbi BiH-Filijala Mostar, rješavajući po žalbi Žalitelja "Primaprom" d.o.o. Banja Luka, zastupanog po punomoćniku Bogdanu Goluboviću, advokatu iz Banja Luke je dana 23.05.2019. godine donio Rješenje broj: JN2-03-07-1-929-8/19, kojim se usvaja žalba Žalitelja "Primaprom" d.o.o. Banja Luka kao utemeljena i poništava Odluka o izboru najpovoljnijeg ponuđača broj: 03-24-434/19 od 05.04.2019. godine, te predmet vraća na ponovno odlučivanje ugovornom organu uz napomenu da isti bude okončan u skladu sa stavovima URŽ BiH-Filijala Mostar iznesenim u predmetnom Rješenju i u skladu sa zakonskim i podzakonskim propisima iz oblasti javnih nabavki.

U obrazloženju osnovanosti žalbe URŽ BiH-Filijala Mostar u svom Rješenju (strana 5. Rješenja) navodi sljedeće:

"Uvidom u Ponudu izabranog ponuditelja „Tabakovići“ d.o.o. Sarajevo utvrđeno je da je Ponuda uvezana spiralno, što prema mišljenju ovog tijela ne predstavlja čvrsto uvezivanje na način da se onemogući naknadno vađenje ili umetanje listova, propisano člankom 58. stavak (2) Zakona o javnim nabavama i člankom 8. stavak (2) Naputka za pripremu modela tenderske dokumentacije i ponuda, iz razloga što se pod čvrstim uvezom podrazumjeva ponuda ukoričena u knjigu ili ponuda osigurana jamstvenikom.

Kako u konkretnom slučaju Ponuda izabranog ponuditelja nije sačinjena niti na jedan od navedenih načina, već suprotno tome, uvezano je spiralno, što nije u skladu sa citiranim člankom 58. stavak (2) Zakona o javnim nabavama, kao i sa člankom 8. stavak (2) Naputka. Sukladno tomu, ovo tijelo konstatira da ugovorno tijelo nije pravilno utvrdilo činjenično stanje i pravilno provelo postupak, a glede načina uvezivanja ponude izabranog ponuditelja. Stoga se navod žalitelja smatra utemeljenim."

Shodno gore iznesenom, a uvažavajući navode iz Rješenja Ureda za razmatranje žalbi BiH-Filijala Mostar broj: JN2-03-07-1-929-8/19 od 23.05.2019. godine, ponuda ponuđača "Tabakovići" d.o.o. Sarajevo nije formalno-pravno ispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, a uvažavajući navode iz Rješenja Ureda za razmatranje žalbi BiH-Filijala Mostar broj: JN2-03-07-1-929-8/19 od 23.05.2019. godine, Komisija za javne nabavke je utvrdila da Ponuda ponuđača "Primaprom" d.o.o. Banja Luka ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.


Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Primoprom" d.o.o. Banja Luka, za nabavku sjemenskog materijala za proljetnu sjetvu, kao jedine formalno-pravno prihvatljive ponude, sa ukupnom cijenom nabavke u iznosu od 14.750,00 KM bez uračunatog PDV-a, odnosno 17.257,70 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Primaprom" d.o.o. Banja Luka
2. "Tabakovići" d.o.o. Sarajevo
3. Nadležnoj Službi
4. U dosije
5. a/a

051/212-355
033/424-501



OPĆINSKI NAČELNIK

Edin Smajić

